



Sulinermik Inuussutissarsiuqartut Kattuffiat

Postboks 9 • 3900 Nuuk • Tlf.: +299 32 21 33 E-mail: sik@sik.gl

Aatsitassanik Aqutsisoqarfik

Postboks 930

2024 3900 Nuuk

Nuuk, ulioq 29-02-

Allakkap normua D-24-18224

Qallunaatuumiit kalaallisuunngortitaq

Kujataani Kuultisiorfiup Nalunap avatangiisinut kiisalu inuiaqatigiinnut sunniutissanik nalunaarusiassatut missingiutit tusarniaassutigineqarnerannut akissutit:

Aallarniutigalugu Kujataani Kuultisiorfiup Nalunap avatangiisinut kiisalu inuiaqatigiinnut sunniutissanik nalunaarusiassatut missingiutit tusarniaassutigineqarnerannut akissuteqarsinnaanini pillugu SIK qujassuteqarniarpoq.

Kujataani Kuultisiorfiup Nalunap avatangiisinut kiisalu inuiaqatigiinnut sunniutissanik nalunaarusiassatut missingiutit SIK-ip ilalerpai imaattunillu nassuiaatinut oqaaseqaatissaqarluni:

Inuiaqatigiinnut sunniutissanik naliliineq 2023.

- Kalaallit Nunaanni suliffeqarneq illuatungeriit, tassa sulisitsisut sulisullu kattuffiisa isumaqatigiinniartarnerat atuuppoq. Illuatungeriit pingarnerpaat tassaapput Kalaallit Nunaanni sulisartut kattuffiat SIK, kalaallit sulisinnaasut tamangajalluinnarmik sinniisorisartagaat.
- Sulisartut kattuffiat SIK Kuultisiorfimmi Nalunami sulilersussat pillugit Amaroq Mineralsimik piginnittunut isumaqatiginninniarnissamut piareersimavoq.
- Inuiaqatigiinnut sunniutissanik nassuiaat naapertorlugu sulinermi atukkat Kalaallit Nunaanni inatsisinut sutigut tamatigut naapertuunnissaannut Nalunaq piareersimasoq inuiaqatigiinnut sunniutissanik nalunaarusiaat naapertorlugu SIK-ip naatsorsuutigaa, soorlu piffissat suliffiusut, qaangiuttoortarnerit, akissarsiat kiisalu ajunngitsorsiat eqqarsaatigalugit.

Kuultisiorfimmi Nalunami sulinermi paarlaganneq pilersaarusiorneqarsimavoq nunat allamiut ulluni 30-ni aatsitassarsiorfimmi sulierarlutik ulluni 26-ini angerlarsimasartussanngorlugit, taavalu nunaqavissut ulluni 14-ini aatsitassarsiorfimmeerarlutik ulluni 14-ini angerlarsimasartussanngorlugit. Suliffeqarfimmut sulinermi atukkat pillugit isumaqatigiissusiornermut atatillugu SIK tamanna pillugu oqaloqatiginnikkunmavoq.

- Suliariniagaq nunaqavissunut suliffissaqartitsissaaq, sanaartornermi inuit 100-it kiisalu ingerlatsinerup nalaani sulisut 175 missaanniittut.
- Sanaartornerup ingerlatsinerullu nalaani sulisunik nunaqavissunik atuiniarneq SIK-ip naammagisimaarpaa.

Suliaq	Sulisut amerlassusii
Aatsitassarsiorfik	66
Akuiaavik	42
Najugaqarfik	28
Iluarsaassisarfik, peqqumaasivik maskiinalerivillu	16
Allaffissorneq	6
Isumannaallisaaneq, peqqissaaneq, avatangiisit pitsaassuserlu	9
Sullissineq Aqutsinerlu	9
Katillugit	178

- Pingaartumik suliamik ilinniagaqarsimasut kiisalu ilinniagaqarsimanngitsut isiginiarneqarnerat eqqarsaatigineqarpoq. Pingaartumik Nanortalimmi taassumalu eqqaani nunaqarfinniit sulisussanit kajungerineqarnissaa eqqarsaatigalugu.
- Ilinniakkanik inuussutissarsiornermut teknikkimullu tunngasunik pilersitsineq pillugu Sisimiuni Aatsitassalerinerlut ilinniarfimmik inuussutissarsiornermullu ilinniarfinnik allanik suleqateqarniarneq aamma SIK-ip naammagisimaarpaa (soorlu pikkorissarnerit kiisalu suliniutip ataani ilinniagaqarsimanngitsunut piginnaangorsaarnerit eqqarsaatigalugit.)
- SIK-ip naammagisimaarpaattaaq atorfinitsitsineq sioqqullugu ilinniartitsisoqartassammat kiisalu najukkami oqartussat, ilinniarfiit kiisalu SIK suleqatigalugit malinnaajutigaluni sulinermi ilinniartitsisoqartassammat.
- Aammattaaq SIK-ip pitsaasutut isigaa sulisut nunaqavissut piginnaangorsarneqarneranni periusissiorqarmat, soorlu allamik ilinniagaqalerneq piginnaangorsaanerlu aqutigalugit.
- Kuultisiorfimmi Nalunami sullissinermi pilersuinermilu suliffeqarfinnik nunaqavissunik, pingaartumik Nanortalip Qaqortullu eqqaanneersunik atuiniartoqarnera SIK-mit ilalerneqarpoq, soorlu makku eqqarsaatigalugit:
- Najugaqarfimmi ulluinnarni atugassat.
 - Isumannaallisaanerit
 - Prammit atorlugit kiisalu imaatigut qulimiguullillu atorlugit assartuinerit
 - Najugaqarfimmi allaffinnilu pequtit
 - Qillerinermit atortut
 - Orsussaq, olie kingoraartissallu.
- Nunniortermit atortut. SIK-ip pingaartippaattaaq eqqagassalerineq eqqarsaatigalugu Air Greenlandimik, Royal Arctic Linemik kiisalu ESANI A/S-

mik oqaloqatiginnittoqarmat, kiisalu attaveqaasersuineq eqqarsaatigalugu Tusassimik oqaloqatiginnittoqarmat.

- Sulinermit atukkat sulinermilu avatangiisit Kalaallit Nunaanni Danmarkimilu inatsisinut kiisalu nunani tamalaani piumasagaataasartunut naapertuunnissaat SIK-mit pingaartinneqarpoq. Tamatumani Kuultisiorfimmi Nalunami sulilluni ajutoornerit ikinnerpaatikumallugit.
- Sanaartulernissaq sioqqullugu sullivimmik naliliisoqarnissaa (APV) SIK-mit pingaartinneqarpoq taamaalilluni naliliineq Kalaallit Nunaanni sullivinnik naliliisarnermi nalunaarutikkut nr. 1168-ikkut piumasagaatinut naapertuuttussanngorlugu.
- Suliariniakkamat piffissaliussat:

Sanaartorneq aallartisarnertu 2023-2024	Najugaqarfiup aatsitassarsiorfiullu piareersarneqarneri, ukioq ataasq
Ingerlatsinerup nalaa	Ingerlatsineq ukioq manna aallartissasoq naatsorsuutigineqarpoq, ukiut 5.
Matusineq pissusitoqaatullu ilersitseqqinneq	Illut, atortorissaaruteqarfiit atortullu spiiarneqassapput, ukioq 1.
Matusinerup kingorna	Matusinerup kingorna aatsitassarsiorfiup sunniutigiunnagaanik malinnaaviginninneq; ukiut 5.

Inuiaqatigiinnut sunniutissanik nalunaarussiaq maleqqissaarneqassasoq SIK-ip naatsorsuutigaa neriullunilu ukiut tallimat ingerlareeruni tamaani kuulte qarfinnik nassaartarnikkut aatsitassarsiorfiup piunera suli sivitsorneqarsinnaasasoq. Taamaalilluni kuulte qarfinnik tamaani nassaartarnikkut sulisut nunaqavissut suli suliffissaqartinneqarsinnaasapput. Inuiaqatigiinnut kalaallinut iluaqutaasumik 2024-ip ingerlanerani kuultisiorneq ingerlalissasoq SIK-ip naatsorsuutigaa. Taamaammatt sulisut akissarsiaat suliffimminnilu atugaat pillugit SIK-mut isumaqatiginninniarnert aallartinneqarnissaasa pingaassusiat tikkuassallugu pingaaruteqarpoq.

- Noqitsineq atorlugu kuultip kimittorsakkap kuultilerivimmi dorénngorlugu aatsinneqartarnera pillugu
- Akuiaavimmi, ilioqqaavinni kiisalu aqqusinerni pujoralammik mingutsitsinerup minnerpaatinneqarnissaata pingaassusia SIK-ip takusinnaavaa. Taamaammatt pujoralatsitsinissaq pinaveersaarniarlugu sapinngisamik akulikinnerpaamik imermik seqqartaasoqartariaqarpoq.
- Eqqakkat imerpalasuunngitsut isumagineqarnerat:

- Eqqakkat ulorianartut eqqarsaatigalugit SIK-ip piumaneruaa taaku Europamut imaluunniit Amerikamut Avannarlermut ingerlanneqartassasut taakkulu nunani taakkunani malittarisassat atuuttut naapertorlugit passunneqartassasut.
- Uuliakkut qisukullu suujunnaarsinneqarneranni tamaani ikuallaaviit imaluunniit ESANI A/S-ip ikuallaaviisa atorneqarnissaat SIK-ip naatsorsuutigaa. Uuliakkunnit eqqagassat tamarmik katersorneqartassapput Kalaallilu Nunaanni tamakkulerivinnut naleqquttunut utertillugit suujunnaarsitassanngortinneqartassallutik.
- Qalluinermut akiliutit kiisalu ingerlatseqatigiiffiit akileraarutaat:
- Qalluinermut akiliutit pingaartumik Nanortalimmiut nunaqarfinnilu eqqaamiunut iluaqutaanissaat SIKi-p kissaatigaa. Taakku kulturimut, timersoqatigiiffinnut, meeqqat atuarfiinut, paaqqinnittarfiinut allanullu iluaqutaassasut.
- Inuit kiisalu ingerlatseqatigiiffiit akileraarutaasa Kujataanut tamarmut, pingaartumillu tamaani suliffissaaleqinermik annikillisaanermut iluaqutaanissaat SIK-ip kissaatigaa.
- Kommune Kujalleq akulikitsumik oqaloqatigineqartassasoq kiisalu Nanortalimmi najukkami siunnersuisoqatigiit tamatumalu eqqaani nunaqarfinnik aqutsisut akuttunngitsumik ataatsimeeqatigineqartassasut.
- Aammattaaq Nanortalimmi aalisartut piniartullu atorluarneqassasut, pingaartumik tamaani tunisassianik pisiffigisarlugit tamaani aalisartut piniartullu iluaqutissaannik.

Avatangiisinut sunniutissanik nalunaarusiaq, Nalunaq Gold Project.

- SIK-ip naatsorsuutigaa Naalackersuisut maleruagassiaat naapertorlugit aatsitassarsiorneq ingerlanneqassasoq.
- Kuultisiorfimmi innaallagissamik allanillu pilersuineri pinngortitap nukinginiq Kuultisiorfiup Nalunap atuinissaa pissanngatigaa. Seqerngup nukinga, anorisaatit immaqalu erngup nukinganiq nukissiorfinguit tamaani nukimmik pilersuineri atorneqassasut kajumissaarutigaa.

Kuultisiorfimmi Nalunami najugaqarfimmi atortulersuutit pillugit:

- Sinittarfiit, iggavik nerisarfillu, errorsisarfik atisalersortarfillu kiisalu sunngiffimmi sammisaqarfik allaffeqarfillu inunnut katillugit 100-inut sullissiviusinnaassapput.
- Atortulersuutit Kuultisiorfimmi Nalunami sulisut atugassaasa soorunami pitsaasuunissaat SIK-ip naatsorsuutigaa.
- Najugaqarfik imikumik saliivimmut, imertugassamik saliivimmut, ikuallannermut isumannallisaavimmut, imermik imigassamik maqittaammut, dieselimik innaallagissiorfimmut atassuserneqarsimassaaq kiisalu pingaarnerpaassalluni

taakku Kalaallit Nunaanni sanaartornermi maleruagassat naapertorlugit suliarineqarsimanissaat.

- Maqisoortoqarnissaanut sulisut sungiusarluarsimarnissaat pillugu aalaakaasumik sungiusartoqartarnissaa SIK-ip eqqumaffiniarpaa. Kiisalu ukiuunerani aasaanerani upalungaarsimanermit sammisunik sungiusartarnissanut pilersaarusiortoqarnissaa.

SIK-ip pingaartippaattaaq uuliamik akuutissanillu aniasoornerit akiornissaannut ilinniartitsisoqartassasoq najugaqarfimmi kiisalu aatsitassarsiorfimmi sulisunut pingaarutilinnut sammisitanik.

Qaartiterutissanik, qaarsinnaasunik, seqqortatinik aserorterisarnerup ikuallaanikut imaluunniit qaartitsinikkout Kalaallit Nunaanni qaartiterutissat pillugit inatsit nr. 16, 16. juli 2007-imeersoq naapertorlugu pisussaana SIK-ip naammagisimaarpaa.

Illunit tamanit imikoorut imaanut maqinneqartiganis saliivimmi salinneqartassaaq. Saliivimmi imikoorummut malittarisassat sukangasut malinneqartussaaammata Avatangiisinut sunniutissanik naliliineq naapertorlugu imaanut aniatitsinerup aniatitsiviup eqqaani imarmiunut suunngitsumik sunniuteqarnissaa naatsorsuutigineqarpoq.

Aatsitassarsiorfiup sananeqarnerani, ingerlannerani matuneqarneranilu aatsitassarsiorfimmi sulisut piniaqqusaanatillu aalisaaqqusaannginnerat SIK-p eqqumaffigaattaaq.

Siulianiittunik oqaaseqaateqarluni Kuultisiorfiup Nalunap Avatangiisinut Inuiaqatigiinnullu sunniutissaanik nassuiaatit pillugit tusarniaanermut missingiutit SIK-ip ilalerpai. Oqaatigineqareersutullu aatsitassarsiorfimmi sulisut akissarsiatigut suliffimmilu atukkat pillugit isumaqatigiinniarnissamut SIK piareersimavoq.

Tusarniaanermut missingiutit pillugit SIK allanik oqaasissaqanngilaq.

Inussiarnersumik inuullaqqusilluta
Med venlig hilsen / Best regards

Axel Lund Olsen I SIK